

臨武縣志卷之六

山川志



艮山坎水流峙乾坤故伯翳有經景純元虛有賦名  
卿碩彥往往抽毫研秘狀岳瀆之奇所以紀名勝也  
臨際嶺徼雖無名山大川然崇陵絕澗舉畢淵深矧  
夫華陰桐栢名且同於夏書肄水湟溪地曾紀諸海  
志不得謂勞乎坎成言乎艮者在東北而不在西南  
也志山川 曹家玉識

韓張山

在縣治後即官山也巋然城北遠山環遠疊翠  
如畫唐張署韓愈同以言事被譴署謫臨武愈

臨武縣志

卷之六

山川一

謫陽山竝轡至臨登眺於此盤桓久之宋人因構韓  
張亭於山頂為臨武八景之一曰官山遺跡名賢詩

文備載  
藝文志

東雲山

在城東里許相傳成武丁仙遊憩此所乘白驪  
遺足跡山石至今存焉宋人建成仙觀於山腰  
草樹青蔥水雲揜映溪邊蘭芷遠近流香為臨武八  
景之一曰仙境春遊詩載藝文志

掛榜山

在縣南四里許高二百餘丈長亘數里橫截南  
境下臨石溪一泓清淺揜映山光百丈丹崖刻  
削雲外山腰有石函世傳中有秘符山麓有深淵遠  
望之雲氣蒸鬱知為神物所潛為臨武八景之一曰

掛榜晴嵐詩  
載藝文志

舜峰山

在縣西三里許高百餘丈三面壁立前一徑以  
迤上下山頂平衍可二百畝許虞舜南巡至九  
疑曾駐蹕於此山頂建有虞帝祠祠前有怪石嶽崎  
磊落洵堪玩賞宋人復於山腰建資福寺有登臨其



上烟景紛錯目不暇給為臨武八景之一曰舜峯晚眺詩載藝文志

**筆架山** 在縣東二十里三峰竝峙峭拔雲表中峯高富如染正當武水之東委為邑捍門稱奇觀焉

植叢育其中晴則爽氣怡人雨則山嵐可掬誠為邑之巨觀焉

**華陰山** 在縣西三十里山形雄秀聯接西山直通嶺表盤紆遮絕綿亘數十餘里高數百餘丈文禽嘉

險絕雄據百餘里嶢峒深杳山勢尊嚴層雲疊翠春猶積雪為臨武八景之一曰西山霽雪詩載藝文志

**西山** 在縣西二十里水經名桐栢山與南陽淮水所出之桐栢偶同名也西界藍山直接九疑之麓四面

勢如珠聯洵稱勝槩

**五馬山** 在縣南三里接掛榜山

**玉屏山** 為五馬山之一在城南三里許即陳氏後山也山形如屏氣象莊嚴靈秀甲乎諸峯

臨武縣志

卷之六

山川二

**羅城山** 在縣東南三十里山勢險固環拱如城故名山腰有小洞名風門下有龍池禱雨多應

**寶蓋山** 在縣北即縣龍後障

**金城山** 在縣東四十里山高百餘丈其上平廣可屯千餘人前代鄉民壘石為垣以避寇故名

**章山** 在縣西三十里蜿蜒綿亘上接華陰下結平田鄉一帶村舍抵藍界

**方山** 在城南三十里其形如印四面陡絕前代居民立寨於其上以避寇名方山寨

**東山** 在縣北三十里即入源山也高入雲表盤旋數百里寶藏所興不可枚舉

**金香山** 在縣北四十里南連桂嶺其高竝之五代及宋時於此設銅冶

**梅坡嶺** 在縣右一里許上有路亭

**香花嶺** 即桂嶺也俗呼桂為香花故名在縣北三十里北即金香山左連馬嶺高八百餘丈山勢雄博



盤繞縣境西北四十餘里為臨武坐山之祖

### 馬侯嶺

在縣東北四十里山脈來自金仙嶺奔騰數十里有追風逐景之勢雄峙一方下有馬伏波將軍神祠廟貌森嚴與山氣相沉鬱

左有龍潭吞吐光燄以顯靈異

### 東春嶺

在縣西北十五里山高秀諸山自棟來者俱盤聚於此山開障東下連起數峯以結縣治由邑

至藍官路徑其巔古松夾道森秀垂蔭石級層磴遊展稱便上有招提其前清泉混混每輶車憇此塵襟頓爽

### 茅結嶺

在縣南三十里為楚粵之界

### 石梯嶺

在金三鄉距城三十五里由臨至桂陽別徑也層磴數百級山巔一道如綫回首望之城池列

若昭着洵為行途勝槩

## 臨武縣志

## 卷之六

山川三

### 獅子嶺

在縣西北二十里從東春嶺連崗疊巘更起高山昂首若獅狀頂次橫岩張口如獅其中神像

頗靈應岩壁有元阿魯大夫鄧公太守刻影相傳出太守指劃久弗漫滅祈禱者齋宿岩中曉望日出海

紅摩蕩之狀儼在祝融日觀

### 金仙嶺

在縣東金三鄉六十里鄉人呼為金仙高數百仞連接柳桂兩界相傳為金仙昇仙之所仙母

莖其上山頂有鐵香爐燭臺重數百斤不知年代有大石可容百餘人偶路之動盪如舟鄉人歲一登寨

祈禱多應

### 秀巖

在縣南一十二里巖石天成門奧俱備中一室虛曠平坦可停數百人四壁璀璨精瑩無比西北一

牖通明下有二穴溪流入左穴伏不見至巖前出流二百步伏於右穴幽邃奇麗聲色俱佳為臨武八景

之一曰秀巖風月詩載藝文志



紅石巖

在縣南十五里近秀巖山勢險絕遊者攀行藤蘿而上巖中虛敞可容百餘人石乳結聚鳥獸

花卉之品益色色不盡名狀染翠施朱人巧所未備也中有水晶石有石似玉者有圓而如鳥卵有方如

散子者不假琢磨自成天則

黃門巖

在舜峰之麓四山環抱一水潑洄丹壁幽岩峰掩映上有仙人鐵屐存焉邑士李國楨嘗構

書舍於此因名黃門莊邑令趙侯張侯諸名賢遊賞詩文選載藝文志

繡龍巖

在縣東北三十五里吉祥寺之後石峰屹立巖

垂一首可三五尺許而昂視向巖口鱗甲奮起有如風雲之勢以小石擊之則鏗然有聲後有奧室深遠

不可窮山腰繞一徑石泉引其傍曲曲不辯來去

金粟巖

在縣西北二十里龍岡坪下有石巖然空其中可容數百人前臨小溪爽朗秀拔有天然門奧

臨武縣志

卷之六

山川四

不費鐫刻水簾珠箔備極巧麗

雲峰巖

即香花巖也在縣北四十里金香鋪之右峰勢雄拔巖居其吭雖幽遠不及秀巖而高朗則過

之張日東望若有吞雲吸霧之意

通天巖

在縣西南秀崖山側石壁裂峙如門左右嵌空鏤竒不可形狀中有一水突出澎湃之聲如風

雨驟至

龍洞

在縣北二十里石潭中有石龍約一丈餘鱗爪俱備唯首潛入潭水中潛勢深黑一里許以火燭之

則可入洞口時有烟霧結聚蓋龍氣也為臨武八景之一曰龍洞烟雲詩載藝文志

聖水洞

在縣西北十三潭深不可測忽有洪流從洞口湧出如怒濤然溪澗皆盈須臾即止三日後即

有雨過期不雨則為旱鄉人每遇旱則往禱之多應



**大泉龍洞**

在馬侯嶺之左右崖下潭深黑無底不分雨晴忽時泥水從潭口瀆出一村溪澗田沼皆泛溢作腥氣又忽吸入潭內則溪澗立涸世傳有龍潛其中凡遇旱鄉人往禱焉多應

**風門洞**

在縣南三十里羅城山洞口與龍池通虛曠圓潔時有颯然清冷之風從中出故名

**武水**

源出縣之西山東流迤縣治前每雨漲溪潢一水自南橫截波面清流迥別為臨武八景之一曰武水掩藍詩載藝文志

**貝水**

源出縣之西山清潔可玩東南流與華陰水合曰貝水東流至秀巖伏入左穴出巖前流二百步許又伏於右穴東南流出文化舖前北過魚陂田與武水合

**石江水**

源出縣之東山東流十五里流至石江橋下又東流五里至斜江又東南流十五里至蒲萄灣與武水合

**臨武縣志**

卷之六

山川五

**高安水**

源出縣之西山至三牛寨前合二水至下車轉高安廟前南流過種善橋下又東流會貝水過廣福橋與武溪合

**華陰水**

源出縣之華陰山下分三派一東北流與武水合一西流出藍山合舜水入於湘一南流出廣東連州合湟水入於海

**秀溪水**

源出縣之西山張公嶺東流過太平橋出通仙橋下與武水合

**滑石溪水**

源出縣之西山東流過五馬山前東北至昇仙橋下與武水合

**騾溪水**

源與滑石溪同出西山至掛榜山下分流東南過濟川橋又東北出迥仙橋下與武水合世傳成武丁飲騾於溪上故名

**赤水**

源出縣之大龍山分三派一曰龍江水一曰龍巖水一曰西塘至赤水江合流東南十五里至蒲萄



灣與武水合

**塘渣水** 源出縣之東山南流五里至今香山伏流二里許東南出流十里至瀨水南與武水合

**龍蟠溪水** 源出縣之馬侯嶺南流過蟠龍橋至化龍橋與武水合

**赤土溪水** 源出縣之金城山東流過温湯池西北至三都洞會桂陽牛橋水西南流十里過赤土司

至水東鎮與武水合

**長江水** 源出縣之東山北流過桂陽境出水尾合桂水入於湘

**鶴井泉** 在東城白鶴觀左偏味甯甘冽

**佑聖井** 在西城佑聖觀左偏泉極清冷大旱不涸

**玉液靈泉** 在舜峰麓黃門莊懸溜峭壁行人憇其下暑渴便之煮茗益佳

臨武縣志 卷之六 山川六

**燕溪泉** 在縣西七里許湧流魚池中村人甃石為井味甚甘冽

**噴珠泉** 在縣西十里許揚梅凹下其泉噴沫平鋪水底如撒珠

**香泉** 卽侯家井也在城南三里許夏則凜冽異常冬則温熱可服諸味濡之較常倍美

**安富泉** 在文化鄉三十里羅城山下石洞一竅如側甕泉流甯大溉田千餘畝

**温泉池** 在縣東五十里有石山連嶺池在山腰水熱如沸湯然初試之其勢蒸逼不能遊汲湯漸浴火

而可體而後敢直據於池若浴盤然且其池盡沙石水清冽無泥氣池之欄盡山石幽草奇葩繡錯於欄上雖

隆冬不萎池之前有一石如屏座高三尺許池下有田數畝四時皆可種山之巔有一池乃源也其熱尤

甚可退鷄鵝毛人不敢浴傍石皆熱寰宇記所謂臨武有焦石置物於上立焦其殆此石與

**龍池** 在縣南三十里羅城山池深黑不可測世傳有龍潛於池



犀塘 在縣北蘿蔔坪二十里僻在山谷一窪深澄廣數  
十畝每風雨陰晦人不敢前其水流所及魚池承  
之魚味便  
異尋常

口按舊志內載南嶺

在縣西北上鄉八十里

舜水

源發九疑過藍山經臨武

上鄉地出桂陽州境會桂水入相

俱分割入嘉禾

### 續山川

岱下巖

在臺三都土名芹溪岩甚宏敞外有石垣相傳前人因避難而築年久頽圯咸豐年間何劉二姓復修葺之號小桃源

大井水

邑治北塘村初見於墟側伏流出增嘉村後墾許清泉沸湧甘沁心脾村人就汲焉因斃石池二游魚出入可指數

### 臨武縣志

### 卷之六 續山川七

附十字墟

邑治北六十里臺三都道光八年新開以四九為墟期